

皇朝詞林典故

卷二十三
之二十四

PL
2548
C55
1887
V.14

JUN 24 1975
UNIVERSITY OF TORONTO

皇朝詞林典故卷二十三

職掌

撰文

凡

尊崇。

冊立暨

冊封

妃

嬪各

冊寶印文。恭上恭加

尊諡。

升祔

冊諡各

冊寶文。均由本院官撰擬。兼恭篆

寶文會同內閣官監視鐫刻。

冊封公主王貝勒貝子公將軍福晉夫人
冊誥文由院題定文式填名咨送中書科。

祭告

郊。

廟。

陵寢及。

三才圖會
卷三
社稷。

嶽瀆諸祀祝文。

諭祭公主王貝勒貝子公將軍福晉夫人。

及內外文武官祭文碑文。本院准禮

部來文撰擬。繙譯進

呈。

欽定後。仍交禮部轉行。

謹按舊例各官封贈。

誥勅文亦由院撰擬。至康熙七年吏部奏准。按品刊刻文式。停其撰擬。

又按親王郡王貝勒等封爵初次受封。及軍功昭著。應行載入金冊者。由院撰擬具奏。至世及襲封。祇添寫世次緣由。及襲封年月。由院恭擬字樣。

移交中書科繕寫。不另撰文。

崇德二年五月。內院諸臣撰擬宣諭
朝鮮勅書進呈。

上覽畢。諭曰。爾等撰文。毋得過爲誇大。當順
理措辭。朕素不樂聞誇大之言。彼明國之
主。自比於天。輕視他人。實甚。身無德義。徒
事矜張。究何益哉。嗣後撰擬切宜詳慎。毋

得草率。

康熙三十四年。大學士等以翰林院
撰原任福建巡海道殉難追贈工部
右侍郎陳啟泰碑文呈覽。

諭曰。陳啟泰殉節。與他人不同。觀其闔家之
人。逐一自盡。畢。伊然後自縊而死。甚屬慘
傷。海賊進城。見其家棺櫬如許。亦爲垂淚。

伊子陳汝器。被海賊拏獲。後方得出。應將
此等事。俱行撰入。觀此碑文詞意。尙未詳
盡。爾等可查明另撰。

三十四年。

諭大學士等。翰林官撰擬文章。是其專任。善
與不善。皆應有鼓勵懲戒之處。自是以後。
凡碑文。祭文。其撰擬人姓名。及所撰之文。

或經俞允。或被申飭。一一記名。有三次善。三次不善者。俱行奏聞。

五十三年。

諭南書房翰林等。向來陞殿所奏中和樂章。皆仍明代所撰。句有短長。體製類詞。後因文體不雅。命大學士陳廷敬等改撰。其章法皆以四字爲句。而奏樂人未易聲調。仍

以長短句法湊合歌之。是雖文法易。而聲調未易也。今考察舊調。已得其宮商節奏。甚爲和平。必得歌章字句。亦隨詞調。則章法明而宮調諧。此事所關最要。著南書房翰林同大學士等。詳考定議。務使章法與聲調協和。歸於允當。

雍正元年。

諭曰。

聖祖仁皇帝上諭十六條。乃係綱領。今欲詮解發揮。暢明義旨。以曉兵民。著修撰編修檢討庶吉士等。將每條作訓誡文一篇。名曰上諭十六條廣訓。文體散行。字數在五百以外。六百以內。需明白條暢。勿太深奧。勿涉鄙俚。兵民並加訓飭。翰林八九人分與一

皇朝詞林典故 卷三十三
條。各擬一篇。各人封進。旋又奉

旨。文章要六百以外。字六百五十以內。

乾隆元年。

諭總理事務王大臣。翰林以讀書爲職業。然
讀書將以致用。非徒誦習其文辭也。古來
制誥多出詞臣之手。必學問淹雅。識見明
通。始稱華國之選。有裨於政事。今翰詹官

員甚多。於詩賦外。亦當留心詔勅。掌院學士以下。編檢以上。可各以已意擬寫上諭一道。陸續封呈朕覽。既可以覘其文藝之淺深。並可以觀其胸中之蘊蓄。倘有切於吏治民生者。朕亦卽頒發。見諸施行。則詞曹非徒章句之虛文。而國家亦收文章之實用矣。嗣後庶吉士散館後。卽照此例行。

四十九年。

諭翰林院撰擬祭文。向例俱兼清漢。但如

壇

廟羣祀。載在禮部祀典者。自應需用國書。若滿洲大臣。亦當用清文諭祭。至漢大臣本不諳清語。諭祭時原可專用漢文。又何必重加繙譯。致滋煩瑣爲耶。嗣後翰林院撰

擬漢大臣祭文。俱不必兼繙清字。

選刻詩文

康熙二十四年。

命內閣學士徐乾學等。編次古文淵鑑。

四十五年。

命詹事陳元龍。編厯代賦彙。

是年。

勅編佩文齋咏物詩選。

四十六年。

勅編全唐詩。

是年。

命翰林院侍讀學士沈辰垣等編歷代詩餘。

又

命編修陳邦彥編歷代題畫詩。

四十八年。

命右庶子張豫章等編

御選四朝詩

是年。

命大學士陳廷敬等編

皇清文頴。

五十年。

勅編定全金詩。

五十二年。

勅儒臣等撰。

御選全唐詩註。

雍正十一年。

允給事中黃祐奏續增。

皇清文穎。

謹按文穎之刻。肇始於康熙四十八年。業經進呈。未行頒發。至是復加增輯。以

聖祖仁皇帝

世宗憲皇帝御製詩文。冠於卷首。至乾隆初。

復增入

高宗純皇帝御製。並續採諸臣進呈詩頌賦

冊於乾隆十二年刊行。

乾隆元年。

命內閣學士方苞選錄四書文。

是年十二月。

允大學士鄂爾泰請編錄本朝名臣奏議。

謹按選刻詩文類皆選派內廷翰林。

及儒臣爲之。或開館編輯。或卽附各

館辦理。其選成刊刻。則皆屬之。

武英殿。

輪進經史奏議

乾隆二年三月。

諭總理事務王大臣。朕在潛邸。六經諸史。皆嘗誦習。自承大統。勅忠萬幾。少有餘閒。未嘗不稽經讀禮。今祥練既逾。科臣畢誼所

奏令諸臣日繕經史奏議。理得施行。在朕
廣挹羣言。可以因事鑒觀。隨時觸發。而覽
諸臣所進。亦可考驗其學識。或召見講論。
則性資心術。必因此可覘。但畢誼所奏。止
及史臣。而朕意科道職司獻替。應令一體
錄呈。其規條應如何酌定。並分日按班呈
奏事宜。著定議具奏。尋王大臣等議。分翰

詹爲一班。科道爲一班。日輪一人具奏。招式。先標經史。下注義疏。或節畧史文。下注史斷。後皆附列所見。曰臣案云云。以千言爲率得。

旨。每日繕進書摺。朕披閱後。交南書房收存。其或召見講論。朕所降旨。令本人於次日繕寫呈覽。亦交南書房收存。將來行之日。

久不特集思廣益亦可薈萃成書以資觀覽。

是年七月。

諭前命翰林科道官員輪日錄呈經史講說以資披覽。今科道輪已週著仍照前與翰林官員分日錄進。

十四年奉

諭停止輪進經史。

繙譯

太祖高皇帝己亥十月。

命巴克什額爾德尼。札爾固齊。噶蓋。以蒙古字製爲國語。頒行中外。

謹按

國書之制。以十二字頭。孳生諸字。後儒

臣達海遵

旨尋繹。酌加圈點。又以

國書與漢字對音未全者。於十二字頭
正字之外。增添外字。猶有不能盡叶
者。則以兩字連寫切成。其切音較漢
字更爲精當。由是

國書之用益備。

崇德三年八月立國史院大學士剛
林譔滿文學士羅繡錦譯漢文弘文
院大學士希福譯蒙古文道木藏古
式譯圖白忒文。

七年。

諭文館儒臣曰昔

皇考太祖欲創造滿書巴克什額爾德尼辭

以不能。

太祖曰。汝何謂不能。但以蒙古字合我國之
語音。聯綴成句。卽可因文見義矣。吾意已
定。汝母辭。額爾德尼遂遵。

諭編成滿書。我國初無滿字。額爾德尼乃一
代傑出之人。今也則亡彼所造之書。義或
有在。其後巴克什庫爾禪所增。朕恐終有

未合。爾記載諸臣將所載之書。宜詳加訂證。若有舛僞之處。卽酌改之。朕嗣大位。凡皇考太祖行政用兵之道。若不一一備載。垂之史冊。則後世子孫無由而知。豈朕所以盡孝乎。

九年。

上召集文館諸臣諭之曰。朕觀漢文史書。殊

多飾辭。雖全覽無益也。今宜于遼宋金元
四史內擇其勤于求治而國祚昌隆。或所
行悖道而統緒廢墜。與夫用兵行師之方
畧。以及佐理之忠良。亂國之姦佞。有關政
要者。彙纂繙譯成書。用備觀覽。至漢文正
史之外。野史所載。如交戰幾合。逞施法術
之語。皆係妄誕。此等書籍。傳之國中。恐無

知之人。信以爲真。當停其繙譯。又見史臣
稱其君者。無論有道無道。概曰天子。殊不
知皇天無親。惟德是輔。必有德者。乃克副
天子之稱。今朕承

天佑爲國之主。豈敢遂以爲

天之子。爲

天所親愛乎。倘不行善道。不體

天心則

天命靡常。寧足恃耶。朕惟有朝乾夕惕。以仰邀

天鑒而已。

康熙十二年。

諭學士傳達禮曰。滿漢文義。照字繙譯。可通用者甚多。後生子弟。漸致差謬。爾任翰林

掌院。可將滿語照漢文字彙發明。某字應如何用。某字當某處用。集成一書。使有益於後學。此書不必太急。宜詳慎爲之。務期永遠可傳。方爲善也。

乾隆十五年。

諭我朝創制國書。分十二字頭。簡而能該。用之無所不備。而音韻尤得天地之元聲。惟

是漢人初學清字者。辨字審音。每借漢字
音註。以便記誦。而漢字不能悉協。不得已
更從俗音。以意牽合。未經較正。畫一將恐
久而益差。間嘗讀漢字金史。其用漢字音
注國語者。本音幾不可曉。諦尋之。則原清
語所常習。又如元史之達魯花赤。以今蒙
古音譯之。當爲達魯噶齊。不華當爲補哈。

此類未易枚舉。在史氏或以已意爲音。或出於當時承旨。蓋由以漢字而註清語。蒙古語。旣非本字。又無一定。是以訛復傳訛。以此知官爲校定之不可以已也。夫一天也。國書謂之阿補喀。蒙古謂之騰格哩。西番則謂之納穆卡。至國書之騰格哩。則漢語所謂絃子耳。又如一日也。國語謂之舜。

漢文謂之曰。蒙古謂之納蘭。西番謂之尼嗎。又如國語呼爾者。其音爲西。而西方則稱幹喀基。此在兼通清漢文者。無所疑義。而通清不通漢者。但知西之爲爾。通漢不通清者。但知西之爲西。而語之以幹喀基。且不知爲何物矣。蓋凡物之命名。本屬後起。爾雅釋名。方言土訓。莫可殫述。皆假象。

耳。若夫以漢字註清文。實假象中之假象。而必執此以較是非。定高下。寓褒貶。此特私心妄見耳。爰命大學士傅恒率同儒臣。重定十二字頭音訓。開章六字。則用直音。如阿額伊鄂烏謬。餘用二字合音。如阿納額訥。尼離努儒。伊鄂烏謬。其餘十一字頭。首六字用二字合音。如阿衣額伊鄂烏謬。以下俱用三字合

音如納襖納襖襖襖襖以分輕重緩急而國書
之元聲畧可得梗概是不過同文之一端
無關奧義然習之於童蒙之始有不容忽
者用示其義傳示久遠俾知所法守焉

二十三年掌院學士介福奏請繙譯
清文由滿學士繙就草底交繙書房
改正始行進

呈從之。

謹按向例改正繙譯以滿員中熟通
清文者爲之。至是始專歸繙書房本
衙門編修。檢討漢員由肄習
國書出身者亦兼繙書房行走。

又按繙譯

國書爲我

朝同文盛軌。

太祖高皇帝時。儒臣額爾德尼遵

旨。剏造滿文。達海繼之。凡

朝廷詔令。多出其手。畫象觀星。比隆頡誦。後

庶吉士教習

國書。滿洲外班人員大考。亦兼試繙譯

是繙譯所。關於詞臣職守者綦重。特

詳悉備載以志

鉅典云。

文淵閣兼掌

文淵閣向無專員。乾隆三十八年。

高宗純皇帝命儒臣校覈永樂大典。既竣。遂允廷臣所請。纂修四庫全書。四十七年告成。

庋藏

文淵閣仿宋制。設提舉閣事。領閣事直
閣事。及校理。檢閱等員。專司經理。每
歲三六九月。提舉閣事。率同閣職各
官。並內府司員。將插架各書。按部取
出。交校理各官。登記檔冊。檢閱各官。
挨本繙瞭。又於

傳心殿後。撥給直房。每日令校理二員。

輪直辰入申出。遇有查取書籍。卽令當直校對。經管登記。其四庫全書副本。均藏翰林院署。有欲窺祕籍者。赴署請閱。其願就署鈔錄者。亦聽。至所鈔之本。文字偶有疑誤。須參校者。令其識明某卷某頁某篇。彙書一單。告之領閣事。派校理一員。同詣閣中請

書校閱

五十三年

諭。向來文淵閣藏皮四庫全書。設領閣。提舉。直閣。校理。檢閱等官。因思文淵閣提舉。閣事一員。係由內務府大臣兼充。司員以及看守掃除之人。皆其所轄。呼應較靈。卽著交提舉閣事一人。專爲管理。其領閣。直閣。

校理。檢閱等官。俱作爲兼充虛銜。不必辦理本閣事務。

謹按秘閣藏書。宜昭慎守。唐宋以來。增設官僚。制綦詳備。明代秘書。僅委之內閣典籍一員。是以天祿儲藏。每多散佚。我

高宗純皇帝稽古右文。迴超前代。琅函玉笈。

儲皮尊嚴。自設立閣員後。規制秩然。
益臻美備。後雖典守事宜。專歸內府
人員經理。而直閣校理各官。每遇
上御經筵。皆得入直侍班。延閣蘭臺。胥標
華秩。洵儒臣未有之榮遇云。

皇朝詞林典故卷二十四

職掌

教習庶吉士

國初多以內院學士爲之。侍讀等亦間有與者。自康熙九年專設翰林院。歷科皆以掌院學士領其事。而內閣學士時叅用焉。至六十一年辛丑科始

皇朝詩林典故 卷二十四
以工部尙書陳元龍領教習事。厥後
尙書侍郎內閣學士之不兼掌院事
者。並得掌教習事。由本院以應開列
各官職名奏請。

欽定滿漢各一人。

順治六年。給事中姚文然奏。臣伏讀

制策有云。首以滿漢同心合力爲念。竊思滿

漢一家語言文字。俱應彼此通曉。前此兩科館選。雖有清書。但選員無多。故未有改授別衙門者。臣請於新進士內。廣選庶吉士。察其品行端方。年力強壯者。俾肄習清書精熟。授以科道等官。內而召對。可省轉譯之煩。卽出而巡方。亦便與滿洲鎮撫諸臣語。

言相通。可收同寅協恭之效。疏下所
司。

十六年。

諭翰林院自乙未科以後。所選翰林庶吉士
令習清書。俱期有裨實用。恐其自謂已熟。
將向來所習。或至遺忘。朕今先加考試一
次。以後翰林院堂官。仍不時考課。務令純

熟。以副朕簡拔之意。

康熙三十三年。

命教習學士等。選講讀以下官資深學優者
數人。分司訓課。名小教習。自甲戌科以下
並仍其制。至雍正八年庚戌科始停
其選派。

雍正元年。

諭向來庶吉士學習清書散館之後。每至荒廢。以三年學習之功。置之無用。殊爲可惜。嗣後清書散館之翰林。不可令其荒廢。今年新科進士。選拔庶常。朕意學習清書者。少點數人。令其盡心學習。務期通曉。或在翰林。或用部曹。卽令與滿官一同繙譯。如此方實有裨益。

十一年。

諭翰林院教習庶吉士。所以造就人材。使之
沈潛經籍。涵泳藝林。可以典制誥之文。鳴
國家之盛也。從前庶吉士皆就翰林院讀
書。教習大臣不時策勵。是以身心約束。學
殖易增。館閣之間蔚然稱盛。朕意今科選
拔庶常。仍令在衙門讀書。俾教習諸臣得

以朝夕訓課兼厚給廩餼資其膏火庶幾
枕經薜史文藻可觀克稱詞臣珥筆之職
應察照前例及如何加與廩給之處其酌
議以聞尋議撥給官房一所爲教習館令
庶吉士肄業其中頒給

上諭人各一部內府經史詩文每種各三部
存貯館內以資課習並月給廩餼得

旨允行。

乾隆元年。尙書任蘭枝。侍郎方苞奏。
向例庶吉士散館。祇試五言排律八
韻。或十韻。及論一篇。不出論題。則用
時文。雍正元年。

命詩賦時文論四題。聽羣士或作兩篇。或作
三篇四篇。本年尙有以兩篇列高等。

皇朝詞林典故 卷二十四
者其後羣士皆勉強並完四篇。風簷
寸晷。轉多草率。不若止命詩賦二題。
有裨實學得

旨。允行

二年。

諭總理事務王大臣。滿洲進士。選授庶常。向
例俱學習漢書。去年因徐元夢條奏。滿庶

吉士復令分習清書。朕思滿語係滿洲自幼所習。只須漢文通順。人人皆能繙譯。且授職之後。自可令辦繙譯之事。清文亦不致荒廢。何必於選館之時。專令學習乎。嗣後滿洲庶吉士習清書之例。著停止。

乾隆十年。

諭會典開載。康熙年間。選拔庶吉士後。有選

讀講修撰編修檢討數人爲小教習之例。
教習庶吉士詩文四六。今科之庶吉士著
掌院暨教習庶吉士之大臣。於現任讀講
修撰編檢內。選拔數人爲小教習。

十六年。

命庶吉士分習清書。雲南。貴州。四川。廣東。廣
西等省。不必派充。並選年三十以內者。

謹按學習

國書向以庶吉士四十五歲以下者派充至雍正間祇以年少資敏者十餘人令其學習至是奉

旨令選年三十以下者嗣後歷科清書庶吉士大約不出十人乾隆五十四年教習庶吉士以清書人數共有八員奏

請酌減阮元顧德慶二員歸入漢書
教習。

又按清書庶吉士初選時年齒合例
及散館時或因告假丁憂年齒已長
者例准改習漢書康熙時改習者庶
吉士孫致彌孫時宜李應綬雍正時
改習者編修程元章庶吉士康忱李

士杞。唐紹祖鄭爲龍。孫詔。嘉慶五年。庶吉士王鼎。毛式。郇。九年。庶吉士潘恭辰。俱奏請改習。

三十二年正月。教習庶吉士鍾音等奏。庶吉士幫俸。向例交二甲一名之庶吉士管理。收明均分。但二甲一名之庶吉士。同係新進肄業之人。未便

獨司收發之事。應請嗣後此項銀兩。
交與提調管理。又庶常館向設學掌
八員。係於翰林院廳員筆帖式內充
補。專司繕稿。庶常文移無多。應請酌
留筆帖式四員。其餘咨回翰林院辦
事。學掌名目。亦請裁去。從之。

三十四年庶常館議定分給幫俸章

程一。銀項到館。提調當堂兌收。如有
低色短平之處。行文查辦。一。核定銀
數。每庶常一員。應分銀若干。記明存
簿。一。每次分給幫俸。以部咨到日。現
在肄業之庶常爲準。如已告假及未
銷假者。雖先後一日。不得分給。一。新
舊兩科交換之際。以散館之日爲限。

在前解到者。屬舊科庶常。在後解到者。屬新科庶常。詳細登明總簿。一署後市廛七間。每月收租。爲本館修理之需。刊刻木榜。懸之館內。

三十八年。御史張霽奏。嗣後朝考排律詩。宜遵照定例。祇賦一律。不得多作二首四首。致啟詭遇之端。翰林大

考考差及庶常散館均應照此例得
旨所奏是著照所請行。

暫攝批本

內閣學士職司批票本章。或遇奉使
請假需人代理。則以詹事少詹事。翰
林侍讀侍講學士及三四品京堂之
曾任翰林者請

簡兼攝。俟學士回任受代而還。

謹按暫攝之制。起於雍正八年十月。
以侍讀蔣漣暫攝批本。至乾隆九年
七月。十一年九月。閣臣皆循例請行。
迄今相沿無改。

文衡

凡

殿試文進士。掌院學士。詹事。充讀卷官。
侍讀侍講學士以下。充受卷。彌封。掌
卷官。

殿試武進士。掌院學士。詹事。少詹事。充
讀卷官。修撰。編修。檢討。充受卷。彌封。
掌卷官。順天鄉試。掌院學士。充正副
考官。侍讀侍講學士以下。充同考官。

各省鄉試。學士以下。編修檢討以上。
咸得充正副考官。會試。掌院學士充
正副考官。侍讀侍講學士以下。並充
同考官。順天武鄉試。侍讀侍講學士
以下。編修檢討以上。咸得充正副考
官。武會試。侍讀侍講學士。咸得充正
副考官。繙譯考試。滿掌院學士。及侍

讀侍講學士。並充正副考官。滿侍讀
侍講以下。並充同考官。各省學政。自
侍讀侍講學士以下。至編修檢討。咸
與差。

崇德六年。內三院大學士范文程。希
福。剛林等奏。以滿漢蒙古士人。考取
秀才並舉人。

上從容論之曰。忠經有云。在官惟明。莅事惟平。立身惟清。聽不可以不聰。視不可以不明。清則無欲。平則無曲。明能正俗。聰則審于事。明則辨于理。爾等當善體此言。從公考核。

順治十年六月。以翰林五品以下官。提督直隸。江南。江北學政。其學習。

國書者不差。

謹按各省學政。向沿明制。皆設提學道副使僉事。惟順天江南二省。稱學院。以御史充。至是始以翰林視學。

康熙二十三年。吏部議准。順天學政。以侍讀侍講諭德洗馬。開列江南浙江。以侍讀侍講諭德洗馬。中允贊善。

皇朝詩林典故 卷三
開列。其以郎中道府補用之處。並停。

三十九年

命各省學道員缺翰林官與郎中並差。

四十二年。以分遣廷臣視學。

上重其選。召翰詹詞臣試者。再復飭大臣保舉。非聞望素優。學行兼至者。不得與是選。

五十六年。禮部題請順天鄉試主考。

官得

旨。此次同考。卽於所開正副考官內。每房各用二人。不得派同省之人。

雍正元年。令各房校閱。仍用同考官一人。

三年大學士等保舉山東湖南學差翰林等官。黃鴻中主希曾。陳法引。

見得

旨。黃鴻中認得。不必引見。止將王希曾陳法

引見。旋奉

旨。以黃鴻中爲湖南學政。王希曾爲山東學
政。

是年三月。以遣學試兩差考試翰詹
科道部屬諸臣於

太和殿。考取人員姓名。識以牙籤。貯以金簞。臨遣時。大學士齎至。

午門前。每省掣正陪各一員。引

見差用。

四年。吏部。翰林院會奏。順天。安徽。學政。定例。將侍讀。侍講。諭德。洗馬等官開列。現在侍讀。侍講等官。並無合例。

之員。應將未出過學差之少詹事。侍
讀侍講學士。並由進士出身之四五
品京堂開列。請
簡得

旨。依議。已經出過學差之人。亦著開列。

謹按順天等大省學政。開列雖有定
例。

高宗純皇帝時。多由

特簡二三品大臣爲之。惟乾隆二十四年。劉
墉以編修任江蘇學政。嘉慶四年。吳
烜以編修任江西學政。皆爲異數。

十二年。

諭廣東肇高學政缺出。著大學士於翰林內。
揀選爲人老成。能衡文者十員。帶領引見。

十三年十月吏部請點各省學政。

高宗純皇帝諭曰。各省學政有訓導士子。校閱文藝之責。關係甚重。非才守兼優。素有學問者。不克勝任。朕卽位之初。於諸臣之才學品行。未能深知。難以降旨簡用。著大學士尚書侍郎。於翰文科道部屬內。各據所知保送二三員。開列送部。彙奏請旨。張

廷璐。蔣蔚。聲名好。著。仍留江蘇湖北學政之任。

乾隆元年。

諭內閣。今年八月舉行恩科鄉試。其正副考官。必人品端方。學問醇正者。始足膺衡鑒之寄。朕卽位之初。不能深知諸臣之底蘊。著鄂爾泰。張廷玉。朱軾。徐本。邵基。任蘭枝。

三朝詩林典故 卷三
徐元夢。福敏。孫嘉淦。楊名時。於翰詹科道。
部屬內。各據所知。多舉數員。於五日內交。
送內閣彙奏。候朕考試簡用。庶得才品兼。
優之員。以副掄才之大典。

是年。以御史王文璿。請停止庶吉士。
開列順天鄉試外簾官。

三年。

詔大臣依元年例。各舉所知。其時未與薦剡者亦聽就試。自是歷科參用其制。

六年。

諭。今年鄉試屆期。簡用各省主考官。向有考試之例。著將翰林科道部屬等官。應差主考者。照舊例通行考試。其有不願出差者。亦聽其意。將此交與該部查例辦理。

謹按典試視學。最爲文臣稽古之榮。

我

朝定制。翰林部屬。及各衙門。由進士出

身之七品以上官。皆得考試。

簡用。而銜

命奉使者。大率詞臣爲多。至雍正五年。改天

下學道。盡爲學院。其由部員出使者。

皆按甲第。加翰林院編修檢討銜。是
各省學政。幾爲翰林專差。仰見我
朝厲學崇儒。有加無已。實爲前代未有
之曠舉焉。

磨勘

磨勘鄉會試卷。侍讀侍講學士以下
至編修檢討。皆與。由禮部開列請

簡。

乾隆元年五月。總理事務王大臣議
覆。戶部左侍郎李紱奏稱。磨勘各省
鄉試硃墨卷。例用九卿科道。查試卷
甚多。九卿科道。各有職掌。往往草率
從事。嗣後請兼用中贊以上之翰詹
科甲。應如所請。從之。

謹按磨勘舊例。向無翰林官。至是始請兼用開坊以上官。乾隆二十四年。以御史吳綬詔條奏磨勘人數不敷。始添用編檢官。

嘉慶八年。禮部奏准。各省學臣歲試新生十名以前試卷。其學臣係在部屬科道衙門者。所取之卷。交翰林院

官磨勘。尋復照舊例。仍令禮部磨勘。

選錄墨卷

雍正元年。禮部議准。鄉會試墨卷。於侍讀侍講。修撰編修檢討內。酌委數

人。會同禮部秉公選錄。進呈

御覽。裁定頒行刊刻。

奉使

凡

冊封公主。親王。郡王。及親王世子。郡王嫡
福晉。以掌院學士充副使。郡王長子
貝勒。貝子。及長子嫡福晉。貝勒。貝子
夫人。內外郡主。縣主。郡君。縣君。并外
藩蒙古親王。郡王嫡妃。以侍讀侍講
學士。侍讀侍講。充正使。外藩蒙古貝

勒以下公以上夫人以侍讀侍講充
正使皆用滿員。

凡祭告使初用掌院學士及侍讀侍
講學士康熙三十六年令侍讀侍講
亦得列銜五十七年令檢討以上皆
得列銜。

凡出使外國朝鮮用滿掌院學士一

員。越南琉球兼差滿漢翰林官。皆列

名請

簡。

雍正三年。

命大學士九卿選編檢庶常四員。修理直隸
城工。

四年。

命派翰林官員會同直隸地方官核實監糶。

九年。

諭內閣。朕欲於在京官員內。揀選老成明白者數十員。命往陝西內地州縣。辦理宣諭化導之事。著大學士會同該教習。於庶吉士內揀選數員。各部堂官。在本部學習人員內。揀選一二十員。國子監祭酒等。在選

拔貢生內。揀選二三十員。俱交送內閣帶
領引見。

乾隆八年。以侍講鄧時敏爲上江鳳
潁泗三府州宣諭化導使。以編修涂
逢震爲下江淮徐揚海四府州宣諭
化導使。

陪祀

凡本院五品以上官皆與國子監春
秋展祀。則以大學士具名上請。而以
資深編修檢討二員。分獻十二哲。本
院

先師祠。以本院官資深者一人主祭。餘
均助祭。

謹按釋奠如遇

皇上親詣行禮。應派修撰編檢四員分獻。
崇聖祠四配兩廡。

專員辦事

雍正元年。

諭部院衙門均設司官專管定稿說堂筆帖
式專管繙譯。廳官專管收發文書。翰林院
衙門亦有錢糧出納。陞遷議敘。并各衙門

文移往來。事務繁瑣。關繫不輕。乃皆出筆帖式典簿之手。故遲速輕重多有弊端。當於俸淺編檢內。擇才守優長者。滿漢各二人。作爲司官。專主定稿說堂。庶小吏不得作弊。而衙門肅清矣。所委司事之編檢。如果實心任事。辦理公敏者。據實奏聞。加以殊恩。

謹按滿洲辦事官兼派庶吉士。又滿漢四缺之外有協辦官。無額缺。奏辦官缺出。卽以協辦官奏充。

乾隆四十一年。大學士會同吏部。翰林院。奏准。

文淵閣所貯四庫全書。應將副本藏於翰林院署。派本院辦事翰林誠幹之

員數人。各司其籍。翰林及大臣官員
內。欲觀祕書者。准告之領閣事。赴署
請閱司籍之員。隨時存記檔冊。點明
卷數。不許私帶出院。致有遺缺。

謹按辦事翰林官。例派滿漢二人。兼
庶常館提調。又辦理昭忠列傳。館設
本院署。亦於辦事滿漢員內。派充提

調文移用印。滿漢辦事官及協辦官
輪流監視。又廳員筆帖式考察保送。
皆由辦事官核擬。呈掌院酌定。恭遇
上御經筵。則爲展書官。

稽察史書錄書

雍正八年。

諭。史書錄書。每年點出滿漢翰林官各二人。

悉心稽察。專司其事。倘有玩忽。潦草之處。該翰林據實奏聞。如徇隱不奏。後經察出。將該翰林官一併議處。

稽察宗學覺羅學

凡稽察宗學覺羅學。掌院學士。及讀講學士。俱得列名請

簡。

宗學教習

雍正十一年。

命左右兩翼宗學。派編檢教習各二員。

謹按此例於乾隆年間停止。

嘉慶四年。復設宗學漢教習。用進士舉人不用編修檢討。

咸安宮官學稽查功課

雍正七年六月掌院大學士張廷玉

奏請揀選翰林教習

咸安宮官學生得

旨。教習官學生。著將應派之舉貢人員內派出九人。令其專司教習之事。爾於翰林院內揀選。滿漢翰林官各二員。與甘汝來一同總理稽查教習功課。不必常住書館之

內。

謹按

咸安宮官學總裁之設。始於是年。維時
揀派者。庶子僧格勒。侍讀春山。候補
諭德謝履忠。編修蔣振鷺。嗣後皆由
掌院學士派充。滿官二員。漢官四員。

稽查理藩院檔案

雍正四年。理藩院奏。本院漢檔甚多。
係撫綏蒙古等事。關係緊要。請派員
修理。得

旨。著交大學士。於內閣。翰林院。將繙譯通順
之侍讀侍講等官。出派二員稽查。俟二年
後。另行出派更換。嗣大學士等議奏。內閣
翰林院。每次各派查檔滿官一員。

謹按滿洲翰林官。向有派往口外護
印辦事等差。屆期更換。乾隆五十年
正月。將軍奎林奏准停止。

詹事府

詹事府官。職掌所繫。並與翰林院互
兼。惟每月看驗月選官。及每歲朝審。
則詹事少詹事。與九卿科道入班。

左右春坊掌講讀箋奏之事。

司經局掌收貯書籍。

國初定制。凡

東宮千秋節及元旦冬至行慶賀禮。其

表箋文式由詹事府坊局官撰擬頒

發。

謹按慶賀表箋自停立

東宮後停止。

東宮日講講章。卽用

皇帝日講講章。正本先期送進。屆期日講
官恭捧副本進講。

謹按舊例。

東宮滿講官二員。漢講官四員。每日講。
則用滿講官一員。漢講官二員。自康

熙年中。

聖祖仁皇帝定制。停止

東宮。

皇子講讀。均派翰林人員。在

尙書房行走。恭侍肄誦。復

簡大臣總司其事。洵千古豫教之良法。已

於翰林職掌內。增載

尙書房入直一類。茲姑存舊編所載。以
資考鏡云。

皇朝詞林典故卷二十四



